

DIDEPO

Ana ke mapatlalelo / dibaka tse kgethilweng ke Khomeshenara ho latela dintlha tsa Karolo ya 6 mmoho le Sejule ya Melao e laelang moo didepo di tlamehang ho thehwa teng.

Motho ya sebetsang kapa ya tsamaisang didepo tsena o tlameha ho kgotsofatsa maemo le dipehelo tse hlokwang ke Bolaodi ba Meedi mme a fane ka tiisetso foromong e laetsweng pele ho ka ntshuwa laesense, boha [Bonds policy](#) ho fumana dintlha tse batsi.

Motho ya sebetsang kapa ya tsamaisang didepo tsena, hang feela ha didepo tsena di se di atlehile ho fumana dilaesense, o tlameha ho boela a ingodisa le Bolaodi ba Meedi jwalo ka:

- Motlalehi wa Thoto (mosebedisi wa RCG) ka sepheo sa ho tlaleha motsamao wa dithoto tse kenang le tse tswang ka mapatlalelo a fumaneng laesense e jwalo ka tsela ya [mokgwatshebetso wa RCG](#); le
- Mosebedisi wa EDI ho buisana ka ditlaleho tse jwalo ka mokgwa wa elektronike ka tshebediso ya [mokgwatshebetso wa RCG, boha EDI user](#).

Moralo wa setsha o tlamehang ho nyehelwa le foromo ya kopo o tlameha ho hlakisa dibaka tsena tse latelang:

- Moo Bolaodi ba Meedi bo tlang ho phethahatsa mosebetsi wa ona teng;
- Moo hlahlobo ya dikhonteina kapa thepa ya moyeng e tlang ho etsetswa teng;
- Ho kenngwa ha diskena;
- Boemelo ba ho paka dipalangwang bakeng sa Diofisiri tsa Bolaodi ba Meedi; le
- Polokelo ya nakwana ya dithoto tse hapilweng kapa tse nkilweng, dikhonteina kapa thepa ya moyeng ha ho sa emetswe mehato e tlang ho nkuwa mabapi le dithoto tsena.

Ha jwale ho na le mefuta e mmedi ya didepo:

Depo ya Dikhonteina

Depo ya Dikhonteina e ile ya dumellwa ho latela dintlha tsa Karolo ya 6(1)(hB) dibakeng tse hlwaiweng Sejuleng ya Melao (Molao wa 200.08). Di sebedisetswa tsa poloko, kgapo, ho pakollwa kapa hlahlobo ya dikhonteina kapa dikahare tsa dikhonteina. Sena se sebedisetswa phihliso bakeng sa ba fumanang dithoto ho tswa mose mabapi le dikahare tsa dikhonteina ka mora hore dikahare tseo di kene hantle kapa hore di tle di pakwe bakeng sa thomellontle.

Hangata didepo tsa dikhonteina di fumanwa kantle ho boemelakepe mme di dumelletswe ho ba le sebaka sa tlatsetso sa dikhonteina mmoho le molemong wa ho pakollwa ha dithoto hore di tle di lebiswe bathong ka bomong ba bona kapa di pakelwe bakeng sa thomellontle.

Motho ya sebetsang kapa ya tsamaisang depo o tlameha ho kgotsofatsa maemo le dipehelo tse hlokwang ke Bolaodi ba Meedi tse akaretsang ho kenngwa ha tjehelele ya tiisetso formong e laetsweng pele ho ka ntshuwa laesense. O ka boela wa boha bonto/tiisetso ho fumana dintlha tse batsi.

Monga laesense ya sebaka sena o etsa tse latelang mapetlong a jwalo:

- Poloko ya dikhonteina ho fihela dikahare di hleketswe tshebediso ya lapeng kapa thomellontle;
- Ho pakollwa ha dikhonteina;
- Tshwaro, kgapo ya dithoto kapa ya dikhonteina;
- Ho hlahlojwa ha dikhonteina kapa dikahare tsa dikhonteina;
- Phihliso ya dikahare tsa dikhonteina ho ba fumanang dithoto ho tswa mose ka mora hore dikahare tseo di kene hantle; kapa
- Ho pakelwa ha dikhonteina bakeng sa thomellontle.

Depo ya Tihophollo

Depo ya Tihophollo e ile ya dumellwa ho latela dintlha tsa Karolo ya 6(1)(hC) dibakeng tse hlwaiweng Sejuleng ya Melao (Molao wa 200.09). E bolela hore thoto ya moyeng e ka tloswa polokelong ya tse tsamayang pele e kena hantle bakeng sa polokelo, kgapo, ho pakollwa kapa ho hlahlojwa ha momahanyo ya tse pakilweng kapa dikahare tsa tsona; kapa ho tloswa ho ya depong e nngwe ya tihophollo kapa phihliso ho ba fumanang dithoto tse jwalo ho tswa mose ka mora hore di kene; kapa diketsahalo tse ding tse jwalo ho ya ka moo molao o tlang ho hlalosa ka teng.

Didepo tsa tlhophollo ho latela Karolo ya 64G, di sebedisetswa:

- Ho tlosa dithoto tsa moyeng ho tswa polokelong ya tse tsamayang pele e kena hantle bakeng sa polokelo;
- Ho tshwarwa ha dithoto tsa moyeng;
- Ho pakollwa ha dithoto tsa moyeng;
- Ho hlahlojwa ha tse pakilweng ka ho momahana kapa dikahare tsa tsona;
- Ho tloswa ho ya depong e nngwe ya tlhophollo; kapa
- Phihliso ya dithoto tsa moyeng ho ya ho ya fumanang dithoto ho tswa mose ka mora hore di kene ka nepo.

Keletso ya Bohlokwa: Motho ya sebetsang kapa ya tsamaisang didepo tse na o tlameha ho kgotsafatsa maemo le dipehelo tse hlokwang ke Bolaodi ba Meedi mme a fane ka tjehelete ya tiisetso foromong e laetsweng pele ho ka ntshuwa laesense.

Ho fumana lesedi le fetang mona, o ka sheba tokomane e ka tlase:

[Facilities Code List External Annexure](#)

Ke diforomo dife tse hlokehang bakeng sa laesense ya Depo ya Khonteina / ya Tlhophollo?

- [Bakeng sa ho fumana laesense ya Depo ya Khonteina](#) - Foromo ena e tlameha ho fumanwa ho Ofisiri ya Ngodiso le Laesense: Ofising e Ntlokgolo le websaeteng ya SARS.
- [DA 64G 01 Application form: Licensing of a Degrouping Depot.](#)

[Ho fumana lesedi le leng le mabapi le polokelo ya nakwana, tobetsa mona.](#)